

სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ს სახელმწიფო
ბიუჯეტის ასიგნების ფარგლებში სახელმწიფო შესყიდვების განსახორციელებლად შექმნილი
სატენდერო კომისიის სხდომის
ოქმი №1

ქ. თბილისი

29 მაისი, 2019 წელი

სხდომას უძღვებოდა:

ზვიად როსტომაშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორი - კომისიის თავმჯდომარე;

სხდომას ესწრებოდნენ:

გიორგი შალუტაშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორის პირველი მოადგილე - კომისიის წევრი;

მამია მორალიშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორის მოადგილე - კომისიის წევრი;

მამუკა ბერიძე - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ ეკონომიკური სამსახურის უფროსი - კომისიის წევრი;

ირმა ხუფენია - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ - ადმინისტრაციის უფროსი - კომისიის წევრი;

ლელა სვიმონია - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ პროექტის კოორდინატორი;

სატენდერო კომისიის აპარატის წევრები:

ზვიად როსტომაშვილი - აპარატის ხელმძღვანელი;

დავით მესხიშვილი - აპარატის წევრი;

ნინო გლოველი - აპარატის წევრი;

სხდომას არ ესწრებოდა:

გიორგი თინაძე - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორის მოადგილე - კომისიის წევრი;

დღის წესრიგი: სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ს მიერ 2019 წლის სახელმწიფო ბიუჯეტის დაფინანსების ფარგლებში გრიფინიჭებული სასკოლო სახელმძღვანელოებისა და რვეულების ბეჭდვისა და მიწოდების სახელმწიფო შესყიდვის მიზნით, ელექტრონული ტენდერის ჩასატარებლად შესაბამისი სატენდერო დოკუმენტაციისა და ტენდერის ჩატარების შესახებ განცხადების პირობების მომზადება.

აღწერილობითი ნაწილი:

2019 წლის 28 მაისის N652357 სამსახურებრივი ბარათის თანახმად სსიპ საგანმანათლებლო და სამეცნიერო ინფრასტრუქტურის განვითარების სააგენტო ახორციელებს მოსწავლეების სახელმძღვანელოებით უზრუნველყოფის პროგრამას. შესყიდვის სწორად დაგეგმვის მიზნით სააგენტომ ჩაატარა ორი ბაზრის კვლევა პირველი-მეექვსე და მერვე - მეთორმეტე კლასების სახელმძღვანელოების ბეჭდვა-დისტრიბუციაზე (შენიშვნა: ვინაიდან, მეშვიდე კლასის სახელმძღვანელოების გრიფირების პროცესი მიმდინარეობს ამ კლასის სახელმძღვანელოების შესყიდვა ჯერ ვერ ხორციელდება).

სააგენტოს დირექტორის პირველი მოადგილის პროექტების მართვის, საქმის წარმოებისა და ლოჯისტიკის დარგში 2019 წლის 28 მაისის N650081 სამსახურებრივი ბარათიდან ირკვევა, რომ სახელმწიფო ბიუჯეტის კუთვნილი თანხების რაციონალურად ხარჯვის მიზნით, მიზანშეწონილია გამოცხადდეს ელექტრონული ტენდერი პირველი - მეექვსე კლასების (სრული) და მერვე-მეთორმეტე კლასების იმ სახელმძღვანელოების ბეჭდვა-დისტრიბუციაზე, რომელთა გამომცემლებმაც არ მიიღეს მონაწილეობა მეორე ბაზრის კვლევაში, ესენია:

- „წყაროსთვალ“ - წიგნების რაოდენობა 12 000;
- „საქართველოს მაცნე“ - სახელმძღვანელოების რაოდენობა 42 500 (16 000 წიგნი და 26 500 რვეული).
- „კლიო“ - წიგნების რაოდენობა 26 020;
- „სიდი“ - სახელმძღვანელოების რაოდენობა 49 450 (13 540 წიგნი და 35 910 რვეული).
- „ტრიასი“ - წიგნების რაოდენობა 35 370;
- „დიოგენე“ - სახელმძღვანელოების რაოდენობა 84 120 (49 520 წიგნი და 34 600 რვეული).
- „სწავლანი“ - სახელმძღვანელოების რაოდენობა 105 700 (43 900 წიგნი და 61 800 რვეული).

სააგენტოს მიერ ჩატარებული ბაზრის კვლევის შედეგად დგინდება, რომ ზემოაღნიშნული სახელმძღვანელოების ბეჭდვასა და დისტრიბუციაზე დადგენილ ვადაში სრულყოფილი განფასება მოწოდებულია სპს „კონსორციუმი ქართული სტამბების გაერთიანება სეზანი, ფავორიტი სტილი, გამომცემლობა კოლორი“-ს მიერ, რომელიც წარმოადგენს 6 ქართული სტამბის გაერთიანებას.

კონსორციუმის წევრი პარტნიორები არიან:

- შ.პ.ს. „სეზანი“;
- შ.პ.ს. „ფავორიტი სტილი“;
- შ.პ.ს. „გამომცემლობა კოლორი“;
- შ.პ.ს. „მგპ პრინტი“;
- შ.პ.ს. „გაზეთი საქართველოს მაცნე“;
- შ.პ.ს. „ფორმა“.

ყოველივე ზემოაღნიშნულიდან გამომდინარე, ტენდერი უნდა გამოცხადდეს 2019-2020 სასწავლო წლისთვის საჭირო 1-6 კლასის 1 817 800 ცალი სახელმძღვანელოს (737 900 ცალი წიგნი და 1 079 900 რვეული) და 8-12 კლასის 355 160 ცალი სახელმძღვანელოს (196 350 ცალი წიგნი და 158 810 ცალი რვეული) შესყიდვასთან დაკავშირებით, სულ ჯამური ღირებულებით 7 480 494.70 ლარი.

სპს „კონსორციუმი ქართული სტამბების გაერთიანება სეზანი, ფავორიტი სტილი, გამომცემლობა კოლორი“-ს მიერ მოწოდებული დისტრიბუციის ჯამურმა ღირებულებამ შეადგენა 309 745.20 ლარი.

საქონლის/მომსახურების ტექნიკური პირობები:

* დაბეჭდილი სახელმძღვანელოები და რვეულები დამზადებული უნდა იყოს ეკოლოგიურად სუფთა მასალისაგან.

* გამოცემათა დასამზადებლად საჭიროა გამოყენებული იქნეს ქაღალდი, რომელიც განკუთვნილია მხოლოდ წიგნების დასაბეჭდად (ოფსეტური, ტიპოგრაფიული, საწიგნო-საჟურნალო და სხვ.) სითეთრის მაჩვენებლით – 74-88%;

* დაუშვებელია ქაღალდის გამოყენება, რომლის გამჭირვალობის კოეფიციენტი – 91%-ზე ნაკლებია;

მიწოდების პირობები და ვადები:

ყოველ მისაწოდებელ პარტიაზე წარმოდგენილი უნდა იყოს შესაბამისი კვალიფიკაციის მქონე ექსპერტის დასკვნა.

დასკვნის წარმოდგენის ვალდებულება და შესაბამისი ხარჯის გაწევა ეკისრება მომწოდებელს.

თბილისის საჯარო სკოლებისთვის და საგანმანათლებლო რესურსცენტრებისთვის სახელმძღვანელოების მიწოდება უნდა განხორციელდეს ეტაპობრივად: სახელმძღვანელოების პირველი ნაწილების დარიგება უნდა დასრულდეს არაუგვიანეს 2019 წლის 5 სექტემბრისა, ხოლო მე-2 და მე-3 ნაწილების დარიგება და მოწოდება უნდა დასრულდეს არაუგვიანეს 2019 წლის 30 ნოემბრისა.

საგანმანათლებლო რესურსცენტრებისთვის მიწოდებული სახელმძღვანელოები უნდა დახარისხდეს სკოლების მიხედვით.

2019-2020 სასწავლო წლისთვის საჭირო სახელმძღვანელოების შესყიდვა ხორციელდება დამრგვალებით, შესაბამისად ზედმეტი რაოდენობები, რომელიც არ მიდის სკოლებში მოწოდებული უნდა იყოს მისამართზე: ქ.თბილისი, ლილო, იუმაშევის ქუჩა N4.

სახელმძღვანელოზე დატანილ უნდა იქნეს ISBN კოდები შესაბამისი შტრიხკოდით.

სახელმძღვანელოს (წიგნი და რვეული) უკანა ყდაზე შავი ფერის ასოებით უნდა იყოს წარწერა - „იბეჭდება საქართველოს განათლების, მეცნიერების, კულტურისა და სპორტის სამინისტროს დაფინანსებით“. ასევე, სახელმძღვანელოს (წიგნი და რვეული) უკანა ყდის შიდა მხარეს გამოყოფილად წითელი ასოებით და შედარებით დიდი შრიფტით უნდა ეწეროს - „გაყიდვა აკრძალულია!“ და აღნიშნული წარწერის ქვევით შედარებით პატარა შრიფტით და შავი ასოებით უნდა ეწეროს - „ამ სახელმძღვანელოს გაყიდვის ფაქტის აღმოჩენის შემთხვევაში, გთხოვთ, დაგვიკავშირდეთ ცხელ ხაზზე: (+995 32) 2 200 220“.

სამოტივაციო ნაწილი:

ყოველივე ზემოაღნიშნულისა და ბაზრის კვლევის შედეგების გათვალისწინებით სატენდერო კომისიას მიზანშეწონილად მიაჩნია გამოცხადდეს ელექტრონული ტენდერი (SPA) 7 790 239.90 ლარზე (დღგ-ს გარეშე), მათ შორის სასკოლო სახელმძღვანელოებისა და რვეულების ღირებულება 7 480 494.70 ლარი, ხოლო ტრანსპორტირების ღირებულება 309 745.20 ლარი.

შესყიდვის ობიექტის ტექნიკური მახასიათებელი მიზანშეწონილია ჩამოყალიბდეს შემდეგი სახით:

- დაბეჭდილი სახელმძღვანელოები და რვეულები დამზადებული უნდა იყოს ეკოლოგიურად სუფთა მასალისაგან;
- გამოცემათა დასამზადებლად საჭიროა გამოყენებული იქნეს ქაღალდი, რომელიც განკუთვნილია მხოლოდ წიგნების დასაბეჭდად (ოფსეტური, ტიპოგრაფიული, საწიგნო-საჟურნალო და სხვ.)
- სითეთრის მაჩვენებლით – 74-88%;

- დაუშვებელია ქაღალდის გამოყენება, რომლის გამჭირვალობის კოეფიციენტი – 91%-ზე ნაკლებია;
- შიგთავსი (წიგნის, რვეულის) - არანაკლებ 60 გრ. და არაუმეტეს 80 გრ. ნაკლებად ცარცირებული ან არანაკლებ 60 გრ. და არაუმეტეს 80 გრ. ოფსეტისა;
- წიგნის გარეკანი - არანაკლებ 190-200 გრ ცარცირებული/ბრისტოლი;
- რვეულის გარეკანი- არანაკლებ 170 გრ ცარცირებული/ბრისტოლი;
- აკინძვა:სტეპლერი/თერმო.

აღსანიშნავია, რომ სახელმწიფო პოლიტიკის პრიორიტეტების - განათლების ხარისხის და ყველასათვის თანაბარი ხელმისაწვდომობის უზრუნველყოფისთვის ერთ-ერთი უმნიშვნელოვანესი ამოცანაა მოსწავლის საგანმანათლებლო რესურსებით უზრუნველყოფა. შესაბამისად, განსაკუთრებული მნიშვნელობა ენიჭება პრეტენდენტების გამოცდილების/კვალიფიკაციის დამადასტურებელი მოთხოვნების განსაზღვრას. მოთხოვნების დადგენისას დაცული უნდა იქნას ობიექტურობისა და არადისკრიმინაციულობის პრინციპები, რაც გულისხმობს კვალიფიკაციის დამადასტურებელი მოთხოვნების შესყიდვის ობიექტის სპეციფიკის, მოცულობის და მიწოდების ვადის გათვალისწინებით შესყიდვის ობიექტთან მიმართებაში პირდაპირ და პროპორციულად განსაზღვრას.

ზემოაღნიშნულის გათვალისწინებით, მოცემულ ტენდერში მონაწილე პრეტენდენტთა გამოცდილების მიმართ წაყენებული მოთხოვნები მიზანშეწონილია ჩამოყალიბდეს შემდეგი რედაქციით:

ა) ტენდერში მონაწილე პრეტენდენტს ბოლო ხუთი წლის მანძილზე უნდა ჰქონდეს ანალოგიური მომსახურების (წიგნების ბეჭდვის) გამოცდილება, დადასტურებული შესაბამისი ხელშეკრულებებითა და მიღება-ჩაბარების აქტებით, რომელთა ბოლო ორი წლის მანძილზე შესრულებული ჯამური მოცულობა უნდა შეადგენდეს არანაკლებ 1 500 000 ლარს.

ბ) არარეზიდენტის, წარმომადგენლობა/ფილიალის და ამხანაგობის (იმ შემთხვევაში თუ გამოყენებულია უცხოური კომპანიის გამოცდილება) გამოცდილების დამადასტურებელი დოკუმენტაცია დადასტურებული უნდა იყოს საერთაშორისო აუდიტორული კომპანიების მიერ, რომლებიც წარმოადგენენ ე.წ. 2018 წლის ტოპ ათეულში შემავალ კომპანიებს (Top 10 Accounting Firms 2018)“.

პრეტენდენტის მატერიალურ-ტექნიკურ ბაზასთან დაკავშირებული მოთხოვნები მიზანშეწონილია განისაზღვროს შემდეგი პირობით: „პრეტენდენტს უნდა გააჩნდეს (საქართველოს სამოქალაქო კოდექსით დადგენილი მფლობელობის ნებისმიერი ფორმით) ოთხ ფერიანი საბეჭდი დანადგარი, ფერდაშლის სისტემა - CTP, უნაკერო შეერთების ასაკინძი ხაზი, როგორც წიგნების, ასევე რვეულებისათვის. აღნიშნულის დამადასტურებლად წარმოდგენილი უნდა იქნას შესაბამისი დოკუმენტაცია;

ტენდერში მონაწილე პრეტენდენტს, ხოლო ამხანაგობის შემთხვევაში ყველა წევრს ერთად, ბოლო სამი წლის განმავლობაში ნებისმიერი წლის ნებისმიერი უწყვეტი კალენდარული სამი თვის განმავლობაში უნდა უფიქსირდებოდეს ტენდერის სახელშეკრულებო ფასის არანაკლებ 50%-ის ღირებულების ბეჭდვის მომსახურების მიწოდება; აღნიშნულის დამადასტურებლად წარმოდგენილ უნდა იქნას ინფორმაცია საგადასახადო ანგარიშგაქტურების ან/და სასაქონლო ზედნადებების თარიღის, ღირებულებისა და ნომრის მითითებით, თანდართული ცხრილის შესაბამისად“.

დაადგინეს:

1. დაევალოს სატენდერო კომისიის აპარატს, 2019 წლის 28 მაისის N652357 სამსახურებრივი ბარათის პირობებისა და წინამდებარე ოქმის სამოტივაციო ნაწილში ასახული მსჯელობის გათვალისწინებით სახელმწიფო შესყიდვების ერთიან ელექტრონულ სისტემაში განათავსოს სატენდერო დოკუმენტაცია და ელექტრონული ტენდერის ჩატარების შესახებ განცხადება;

2. ხელშეკრულების ჯამურ ღირებულებად მიზანშეწონილია განისაზღვროს 7 790 239.90 ლარი, დღგ-ს გარეშე.


3. შესყიდვის ობიექტის ერთგვაროვნება განისაზღვროს შემდეგი კლასიფიკატორის შესაბამისად: 79823000 - ბეჭდვა და ადგილზე მიწოდება.

კომისიის თავმჯდომარე:



ზვიად როსტომაშვილი

კომისიის წევრები:




გიორგი შალუტაშვილი



მამია მორალიშვილი

გიორგი თინაძე *სხ. ესწ. ხეშოდა*

მამუკა ბერიძე *გვ. ა.*




ირმა ხუფენია




ლელა სვიმონია

აპარატის წევრი:



დავით მესხიშვილი



ნინო გლოველი